摘藻堂四庫全

書薈

要 经 部

孟子曰舜生於諸馬遷於負夏卒於鳴條東夷之人也 一欽定四庫全書管要卷二千九百九十九經部 有餘里世之相後也干有餘歲得志行乎中國若合行 文王生於岐周卒於畢郢西夷之人也地之相去也干 孟子傳卷十八 先聖後聖其揆一也 離妻章句下 宋 張九成 撰

五子牌

新定四庫全書 **★** 商均為子豈曰不同氣乃不知舜之心而授天下於 心無遠近時有後先心無後先使其不識此心則以 禹以四山為臣豈曰不同時乃不知舜之心而至於 若肯構之父子面授心傳之師資何哉盖地有遠近 有餘里自舜至文凡干有餘歲風俗不同土地殊尚 近為間不以日月為期發之於言形之於行若肯堂 歲月久遠言行遼絕然考舜與文王之心乃不以遠 舜生東方近夷文王生西方亦近夷自充至岐凡干

同 皆里人也而孟子獨舉舜與文王何哉則以其聲氣 訟息是舜與文王之入處其揆一也孔子又身入舜 分天下有其二以服事商及其為西伯也而虞芮之 之子於其山之陰及其即位也而九官皆讓文王三 於歷山耕者讓畔文王治岐又行者讓路舜避堯 也何以知之夫舜自讓而入文王亦自讓而入舜

息也豈問地之遠近時之先後哉夫堯舜禹湯文武

流放竄殛使其識此心則萬里猶一堂也千歲猶

釤 子張指師晃為相師之道傳之孟子又以徐行為堯 曾子指忠恕為夫子之道子夏指酒掃為君子之道 聖人間與淺深不同而自此路入者亦何其多也故 中此夫子所以喟然而數曰吾與點也豈不以聖人 點有暮春浴沂童冠舞雩之樂乃入舜與文王道路 有得皆舜與文王之心也異時問二三子之志而曾 之道此路最高乎夫子倡此心於沫四諸弟子雖於 文王之所入故藝則執御能則鄙事則吾宣敢未之 定匹庫全書

舜之道孟子發明徐行之說是身履其中目擊其事 未發也其威矣哉余因其於一也之說乃盡見聖賢 之用心故表而出之以終孟子之遺意 斷然不疑其論舜與文王乃昌言於天下曰先聖 聖 如此乎孟子之說乃前古之所未聞而先聖之所 其揆一也價非在其道中又安敢曉然揭露判

子產聽鄭國之政以其乘與濟人於秦清孟子曰惠而

不知為政歲十一月徒和成十二月與梁成民未病沙

者每人而悦之日亦不足矣 也君子平其政行辟人可也焉得人人而濟之故為政 飲定四庫全書 / 大臣之用至其為政也民歌之曰我有田疇子産植 國之垣精論鄭國之供賦屏楚公子於郊外軒然有 余讀左氏見子產相鄭卓乎有賢大夫之風如微鄭 四至其死也為之泣曰古之遺爱也觀其為人與去 之我有子弟子産教之子產而死誰其嗣之至孔子 鄭見之如兄弟且以兄事之曾稱其有君子之道

學未知講究以如此資禀而濟之以先王之學必能 為崇使晉平公叔向稱之為博物君子至於先王之 十二月與梁成而區區為此小惠哉豈以一時仁心 於一時之事耳以于産之智豈不知十一月徒枉成 作用亦盡巧妙矣乃以其乘與濟人於湊消此特出 子敬之何至曰惠而不知為政也然余細考子産有 不忍民之徒涉故報己之車以濟其急乎以平昔孔 仁心仁聞而不知先王之道者也觀其論實沈臺點

惠天下矣唯其學止於如此所以規摹編小造作 之政乃自帝王心中制作 之心必寄之以不忍人之政者帝王之學也不忍 有為於斯世相鄭君尊王室起文武成康之業以 不至帝王而自以私智小識創造法度非特不合 **杜與梁之制而以乘與濟人一等也夫有不忍** 如作封油立誇改鑄刑書皆非大人之造與不 隠 顯 幽 明内外 無不受其鑪 如乾坤之造化四時之 錘挺埴之妙學

欽

定四庫全書

清凉民未病沙也適此時也而為此役民不告勞人 時則為人徒所行之橋十二月夏之十月也於是時 發其利其與區區心乘與濟人工拙豈不萬萬相遠 帝三王之心也價能取帝王之法以行此心則治天 則為車馬所行之橋九月十月之間水潦既退氣候 且以濟人一事言之歲十一月即夏之九月也於是 下可運於掌上矣而況鄭國哉所謂帝王之政何也 人心雖勉强力行終亦不久矣推乘與濟人之心二 五千字

世者不行先王之道也又曰徒善不足以為政徒法 也故日今有仁心仁聞而民不被其澤不可法於後 哉先王之政每事如此此于産所以可悲也以于産 而過者未之有也深知此說則子産之失不言可知 不能以自行詩云不愆不忘率由舊章遵先王之法 地何止於惠人而已哉孟子之意非議之乃痛惜之 之賢而有帝王之學將進於皇變稷契伊尹周公之

新定四庫全書

於其所往去之日遂 則 孟子告齊宣王曰君之視臣如手足則臣視君如腹 臣視君如寇雖王曰禮為舊君有服何如斯可為服 不聽膏澤不下於民有故而去則君搏執之又極 三有禮焉如此則為之服矣今也為臣諫則不行言 疆又先於其所往去三年不反然後收其田里此之 日諫行言聽膏澤下於民有故而去則君使人事之 之視臣 如大馬則臣視君如國人君之視臣如土於 收其田里此之謂寇雠寇雠何服

J. 11 1

孟于傳

之有 亦多矣孟子盡天下之理而言之也子又何疑乎余 退而改之如舜託禹為股肱而禹八年於外三過其 日見楊時先生而問之先生日子博觀萬古如此類 余讀此章至視君如鬼雠浩然涕下竦然汗出曰孟 不用命遂至亡國信如大馬國人之言矣脯思侯醢 子聖賢也何忍為此言乎抱疑于心者十年餘矣一 而不入信如手足腹心之言矣衛懿公好鶴國人

鉗

定匹庫全書

在明褐生非意泰二世殺六親殺朝士自以為尊矣 意者必殺優然自大自以為干萬年之計嗚呼怨宣 不可然動不中理行不由義言者立誅諫者立死忤 眼日君尊如天臣军如地恃勢假權生殺天下有何 草芥寇雠之言矣然則為人君者安得不少警子古 人所以有朽索之喻有舟水之喻有数國之喻平時 而陳勝一呼終有望夷之禍隋煬帝殺薛道衛殺王

环侯拘文王天下怨之武王一起而紂懸白旗信如

欽 當以是思之齊王不識此意乃問禮為舊君有服此 曾自以為尊矣而元感一呼終有維楊之褐孟子坐 國之臣則人臣以禮報之故有三有禮之說又言人 不平寇雠之言而為此問也孟子乃言人君禮待去 照萬古之理所以勤勤為齊宣王言之學者讀孟子 藴矣余恐學者專持此説以望人主而不知臣子之 定四庫全書 以兔雠待去國之臣則人臣以鬼雠報之故有寇 服之說嗚呼孟子所以為人君計者可謂無餘

義余報以禮經續於其後以補孟子之遺意禮曰大 當開寇雠之說而以禮遇臣子臣子當守禮經之說 夫士去國瑜境為擅位鄉國而哭素衣素蒙素冠徹 縁鞮屢素帨乘毛馬不爪剪不祭食不説人以無罪 喪禮自處自罪學之不精道之不遠不能於吾君之 婦人不當御其意以謂遠舍吾君而去悲辛感慕以 而以恩事君父則君盡道臣亦盡道而合吾孔子君 心以至於是也豈非臣子之義當如是乎余意人君

孟子曰無罪而殺士則大夫可以去無罪而戮民則士 昔孔子之戒曰危邦不入亂邦不居天下有道則見 學者宜深味之不可以急雠之說為口實也此人主 嗚呼臣罪當誅分天王聖明前輩謂寫出文王之心 無道則隱所謂危亂無道者即無罪而戮民也夫民 所當自知耳非所以論於臣子之前也

釤

定四庫全書 |

使臣以禮臣事君以忠之說矣昔韓愈作羑里操曰

見可也夫何故不以民為心無故而殺之是無所忌 民永康兆民者則以邦之本在此也今乃無罪而戮 也君子見微故無故而戮民則士當徒無故而殺士 之是危亂無道之國也在孔子之法則不入不居 殺士不已又将移此心以殺大夫矣此必然之 邦之本一民不得其所則邦本亦為之搖動聖 以級厥兆民擾兆民惠康小民康齊小民阜成兆 也士當急去不去殺民不已又将移此心以殺 孟子傳

常死者亦數人人皆以謂漢武晚年動殺士大夫而 當遠去而當時碌碌保位無一人知去就之義故士 理也元帝殺蕭望之之後則京房買捐之相繼得罪 不知殺長安民時乃殺士大夫之矣也所以趙殺鳴 大夫相繼下獄宰相死者凡數人職事優閒無若奉 之交易坐者數百人此何罪哉使有識之士見之則 則大夫當去請以漢武觀之渾邪王降長安賈人與 孔子臨河而越楚不設體移生不日求去深知此

歃

定四庫全書

義之義大人不為 孟子曰君仁莫不仁君義莫不義孟子曰非禮之禮非 有大人之禮義有小人之禮義勞心者治人勞力者 當以民上去就之幾使人主愛民不殺必愛士大去 治於人治於人者食人治人者食於人上下有分勞 亦不敢妄如無禮孟子留此言為士大夫安身之路 其可不知所警乎

桓帝殺李固之後則李雲范滂相繼誅死故士大去

金定四庫全書 患此豈久長之道哉大人肯為此哉夫大人之禮義 若君者出令者也使君君臣臣父父子子夫夫婦婦 道而有強減之患小則奸人竄迹其間而有兵革之 者此大人之所謂禮義也並耕而食養發而治上下 兄兄弟弟各盡其道者也臣者行君之令而致之於 之禮義也禮其所謂禮義其所謂義大則禽獸人之 不辨勞逸一等若許行為神農之學者此所謂小 逸有宜若堯舜禹畢陶之在朝廷而民服役於南畝

禮義或以傾覆為禮義或以縱橫為禮義或以能異 為不善哉所學不正或以刻簿為禮義或以權謀為 農為務是若鳥獸終日以口腹為事而不知有禮義 今許行之學不論君臣父子兄弟夫婦之序一皆以 民者也民者出絲麻栗帛以事其上而安其教者也 鞅寫忌孫順陳彰蘇秦張儀稷下諸人曉然以其 街 為禮義是所謂非禮之禮非義之義大人所不為而 之大也誠使如此天地何由安其位乎宣特許行商 五子傅

轉徙於溝壑此堯舜三王之本心而孟子之所謂大 祭使異端 聞之知所謂禮義其在此耳豈不深且遠 誅戮者也所以深闢楊墨者益欲大明聖人之道庶 使老者衣帛食肉黎民不飢不寒不負戴於道路不 謂禮義者植桑種田畜雞豚育狗混謹库序申孝悌 先王之世當服兩觀之誅左道之戮者也孟子之所 人也其為此言視觸商蘇張稷下輩皆小人耳皆當

金

四月全書

卷十八

能以寸 如中也棄不中才也棄不才則賢不肯之相去其間不 孟子曰中也養不中才也養不才故人樂有賢父兄也 息雨露之所潤是有色茂之理矣及牛羊踐之斧斤 物我賊之而無以養之也今夫牛山之木日夜之所 喜怒哀樂之未發謂之中仁義禮智固有之謂才是 中之與才天之所與我者也然而不中不才者必有

た 己 3 巨 A A A A A

孟子傅

伐之則天地之中氣陰陽之美才亦從而敗壞矣惟

中既去其中自見矣以此之才養彼之不才者不才 惟人亦然心與智長道與時會中之與才固日進而 既去其才自見矣古人所以樂有賢父兄者以父兄 之則喜怒哀樂為失節仁義禮智皆淪胥儻有禮義 月益矣及夫聲色搖之富貴淫之貧賤移之威武屈 保護愛惜不受牛羊斧斤之害則可以為大厦之用 之賢教誨漸摩日聽其音旨日觀其容儀警發其所 潤澤之師友切磋之是以此之中養彼之不中者不

the section of the section 未知中擊其所未悟則皆中皆才矣夫何故以父兄 哉不肯之心也賢者有此心則謂之不肯是則賢與 子之用心也如中而棄不中才而棄不才此何心也 不棄子弟之心也故中養不中才養不才此仁人君 樂春誦夏紅以至干戈羽篇學禮讀書皆所以養之 理當養人故也先王以其中其才設為學校注之禮 中不才則己使其果中果才宣有棄人之心乎則以 不肯特在一念之項耳故曰其間不能以寸夫使不 五子傳

孟子曰人有不為也而後可以有為 時服日雅容臨藉風流都雅典語其言舜禹其行穆 孟子此言言當利害不變然後可與當大任也夫平 於世豈有忽疾之心也哉於此可以見孟子之心 蘇秦張儀稷下之徒固將警發而變化之使其有用 前皆融融而不泯仁義禮智固有之美皆事事而發 見豈不韙哉推孟子此意其於商鞅寫忌孫臏陳軫

也養之既成人人有士君子之行喜怒哀樂未發以

护定四車全書 國天下有何難事哉孟子深見此理故昌言於天下 曰人有不為也而後可以有為且夫其當不義也毅 臨罪錢而不驚當鉄鐵而不懼如此等人與之謀家 氣加人及倉卒之間緩急之際仁思義色卓然不亂 哉若夫怕怕如鄙夫妈妈如儒者未曾以色待物以 盖為者皆安行而允蹈之如此輩流安可與同事君 則波蕩頹壞盡棄所守凡奴婢賤人問問題僧之所 移乎二帝三王時廊廟人也及毛髮變故卒起于前

李林甫壻者必肯為王叔文之客此自然之理也然 李固之文甘為曹操用者必肯為殺孔融之文甘為 思島言所以能成開元之治杜黃裳惟深斤幸執誼 而孟子之所謂不為者皇止諸葛諸公而已哉顧其 所以能建中與之威若乃甘為梁冀客者必肯為殺 亮惟不事曹操所以能成先主之功宋璟惟不與楊 然不為顧其力如何哉推此心以前則義在可為者 以其不為之力而為之其所成就亦當如何哉諸葛

者以見凡戰國商孫以下皆孟子所不為也此又孟 拾遺客至如歸當繼會齊攝相之後塵矣如其大用 于之微意 為也其所以夷狄許行妾婦儀泰蚓仲子而貉白圭 之則堯舜其君士君子其民如伊周故事者亦所優 使人君不用則已如其用之則兵策人誅正卯道不 孟于傅

無變則已如其有變則於歌不輕當繼陳蔡之遺風

至大至剛以直之氣潛養既久盤薄乎胸中使天下

欽定四庫全書 孟子曰言人之不善當如後患何 昔子貢問於孔子曰君子亦有惡乎于曰有惡惡稱

人之惡者惡居下流而弘上者子曰賜也亦有惡乎

惡則夫言人之不善者正孔門之所惡也孔門之所 惡天下之所惡也天下之所惡禍患之所臨也昔子 師弟子之心稱人之惡下流弘上計以為直皆在所 于貢曰有惡惡計以為直者彼沫四之間函丈之論

路問於孔子曰魯大夫練而杖禮與孔子曰吾不知

長安公言其非叔文怒欲下詔斬之又欲杖殺之卒 與夫子不答子貢超而進日練而杖禮與孔子曰非 也季桓子死魯大夫朝服而吊子游問於孔子曰禮 王叔文用事凶錢滔天羊士諤為宣歙巡官以事至 之而已夫言魯大夫而問則或曰不知或在所不答 是邦不非其大夫是言人之不善非聖人之道也昔 不言大夫則對子貢以非禮對子游以易之聖人居 也于游他日又問夫子乃曰始死羔表立冠者易

盂子傅

靜觀好言人之惡者非凶暴之人即刻薄之人也夫 致寧化之貶當如後患何豈虚言哉盡言以招過如 如開父母之名耳可聞口不可道口不可道是矣耳 不言可知其為小人矣馬援戒其子姪曰聞人之惡 之路或瞋目侈口或含笑搖吻聞人之惡如得奇貨 仁人君子務為涵容掩蔽使人有改過之心得為善 國武子犯而聚怨如陽處父皆聖賢之所戒也抑曾 何用聞哉嘉言懿行則不可不聞談人之短攻人

金 定四庫全書

孟子曰仲尼不為己甚者 昔顏子嘆夫子曰仰之彌高鑚之彌堅膽之在前忽 遺意余故表而出之彼商孫蘇張之徒公犯此禁或 馬在後如有所立卓爾雖欲從之末由也已夫三千 得而學也使學者可以自勉乎孟子以顏子為具體 至車裂而死有以也夫 之惡是何君子用心雖平生不聞可也此又孟子之 人中獨稱顏子為好學而其說如此是夫子終不可 孟子傅

為仁之實指從兄時為義之實其與不為已甚同 意以謂吾心不為已甚處乃仲尼之心也孟子於何 而微舍而不學極論游夏顏問夷惠之徒乃軒然自 路極為有力如指徐行為堯舜之道指易牛為王者 言曰仲尼不為已甚者是孟于果見仲尼之心也其 許曰乃所願則學孔于是必有所見而然也今觀其 之心指掩藥裡為誠指赤子入井為不忍指事親時 地見仲尼而指其何心為不為已甚乎蓋孟子於此

鱼灰四库在意

本十八


Color of the data 自欲出於罰塵之外其器量廣被果如何也當時門 與展門干水泄柳之徒皆鳥獸斯人塵穢一世起然 雨之潤有成就之仁無鄙絕之意其視荷條荷簀接 貨見之矣於佛肸見之矣顧其心如春陽之敷如時 **軌轍耳深味之可見也余所以謂孟于於此一路** 人如于夏指洒掃為君子之道于張指見師晃為相 為有力則以其所入者在此也夫仲尼不為已甚處 於何而見之哉於互鄉見之矣於南子見之矣於陽 孟子傅

有此難堪之語宜嬪絕而不與門牆之列矣然而孟 至其事齊王也三宿出畫且曰王庶幾改之王如改 已此不為已甚之心也所以傳仲尼之道者在此也 子宛轉雍容為之辨析使之心開目明至於斯道而 虞以為不豫公孫丑以比管晏過孟責函丈之間乃 子思子思傳之孟子孟子門人如陳臻之非屋廬子 師之道皆此幾也獨曾子指忠恕為夫子之道傳之 之間陳代以為小公都子以為好辯彭更以為泰充

本十八

易得之矣夫澤上於天夫之卦也其卦五陽在下一 賢之心其理如此不如是非天理也何以知之余於 置之於士大夫之列以為吾用宣固欲絕之哉蓋聖 賜忌孫贖蘇秦張儀以訓誨之使其改過遷善則將 諸則必反予夫出畫而王不予追也予然後浩然有 歸志予雖然宣舍王哉王猶足用為善王庶幾改之 之心隱然見於吾心矣余謂使孟子得志將引商鞅 予日望之弟熟讀斯言深味此意則仲尼不為己甚

欽 合德發而為用當健而說當決而和余觀其象而 然而其卦允上乾下允說也和也乾健也剛也乾 尼之心也其卦象之説非人為也乃自然之理也 也天下皆知以剛健為決乃不知以 陰在上以見君子之衆而小人之孤也夫之為義決 五陽決一陰不煩舉手不事咳睡但在一息之頃耳 定 辭觀其變而玩其占乃知不為已甚天理也真 四 庫 此則聖人安有絕人之心乎文王不聞亦式不 全書 和悦為決夫以



孟子傳卷十八	÷				鉱定四库全書
			manganaman pagangan serangan manan		- 基十八
		And the state of t		-	



監生臣

묫

唐

ر ا

育庶吉士臣 陳及官庶吉士臣 張

能

鹏、

欽定四庫全書為要 無子傳卷十九

詳校官主事街日徐以坤

欽定四庫全書養要卷三千經部 孟子傳卷十九 言必信行必果歷歷然小人哉言必信行必果謂之 散子貢問士於孔子其對凡有三等而其最下者曰 子推孔子之意而為此說也然使學者鄙言必信行 小人則言不必信行不必果之為大人可知矣此孟 1日大人者言不必信行不必果惟義所在 孟子傳 張九成 撰

鲎 果如自衛而西將見趙簡子至於河開實鳴贖舜 言為信而以義為信乎孔于不以行為果而以義為 曾曰義人路也是可行者謂之義而不可行者不得 在一句而指其歸路也其意盖可知矣何謂義孟子 言以濟其誕妄滑稽之欲矣此孟子所以增惟義所 公果為小人自好者將無所適從而姦人者將假此 定匹庫全書 人盟不適衛而卒適衛且曰要盟神弗聽豈非不以 之義也且孔子不以言為信而以義為信如與蒲

宣非不以行為果而以義為果乎不問言行之信果 而一以義斷之其比夫歷歷者固相遠矣兹所以謂 死乃臨河而嘆曰美哉水洋洋乎丘之不濟此命也 區以求名也若夫或勞力以取名或直諫以取名或 養其大者為大人統而言之皆言所見者大而不區 人者不失其赤子之心今又曰大人惟義所在又曰 所謂有大人之事所謂大人能格君心之非又曰大 之大人也余曾改五于之書其論大人者凡數處如 五子傳

孟子曰大人者不失其赤子之心者也 者喜怒哀樂皆中節而又不失其真心此所以為貴 然皆真而非偽況大人之學以思為主先立乎其大 何取於此哉余切深原之其喜怒哀樂雖未必中節 赤子不辨善惡不知是非喜怒哀樂未嘗當道大人 大人之所在矣 子之學也是何小丈夫之所為乎學者明乎此則知 設數以取名或偏執以取名或編物以取名皆非孟

· 鱼 定 匹 库 全 書

猜疑之心人以其真亦無畏懼猜疑之意大人體此 斯來動之斯和則以大人之道甚大而又以真在其一 故至於是拜公間其政而立之斯立道之斯行綏之 者在此爾惟赤子之真也故見之無不憐愛而水火 威真親未笑而和赤子之真其近於是乎大人不失 在前虎豹在側皆不足動其心則以其真故無畏懼 强笑者雖親不和若夫真悲無聲而哀真怒未發而

乎夫作偽之人終不足以動人故强怒者雖嚴不威

孟子曰養生者不足以當大事惟送死可以當大事 生者人之所悦死者人之所甚惡於人之甚悦者加 病之深者耳目口鼻手足聲音一切反常其可畏可 意焉不足道也於人之所甚惡而加意者則其人之 子之心是亦愚人而已矣學者不可不思 間故其功用如此也若夫不知大人之學而徒有赤 惡之態豈形容所能盡哉至於既死之後形體可懼 所存可知矣且夫人之将死也其氣一紀其形百變

金金

定匹庫全書

節而不可奪矣使天下無事則已使天下而有事非 偏標急走疾避者亦人之常情也至於此時乃獨加 欺其心則可以託六尺之孤可以寄百里之命臨大 意不負於冥冥中其可謂不負於天地思神矣惟 臭穢難聞神靈所憑影響猶在使人毛髮森竦心志 負 為三國之忠臣盖於死者如此是不欺其心也不 於杵回之託乃能立趙氏之孤不負武帝之託乃能 昭立宣為社稷之臣不負先主之託乃能抗司馬

孟子曰君子深造之以道欲其自得之也自得之則居 金定四庫全書 一 君子欲其自得之也 之安居之安則資之深資之深則取之左右逢其原故 處以觀之而判然號於天下曰惟斯人可以當大事 不自欺者其谁足以當之孟子觀之乃於人之所難 此章如孔子言吾十有五而志於學至七十而從心 所欲不踰邦同盖孟子自述其所學也不敢以此自 深見此理能如是乎

昔之君子由治天下而造之而知其本於治國由 傳不若見聞之親見聞之親不若心術所體為切也 君子之於學非深造之其能得其本源乎故口耳之 斯見焉沿葉而下斸掘土膏而不止本斯見焉是則 本則枝葉皆可知矣遊流而上經歷關山而不止源 九氏房明白如此哉請試言之夫善觀水者必窮其 源得其源則委流可知矣善擇木者必窮其本知其 處故汎論之價非深入其中安能如視青黃輔散角 孟于 傳

其始而究其終察其微而驗其者通其一而行其萬 之乃 於一身由修身而造之知其本於一心由一心而造 國 深造者自天下之本遊流公葉進進不已而造極於 而造之而知其本於齊家由齊家而造之知其本 物是故於一念之微一事之間一物之上無不原 之謂也一念之微萬事之衆萬物之多皆理也惟 知其本於誠意由誠意而造之乃知其本於致 知而造之乃知其本於格物所謂格物者窮

歃

定匹库全書 |

也居之安則見出乎衆人而常若迂問識超乎幾外 貧富貴賤憂樂通而為一隨所寫而安馬此居之安 幾自見隨事自明宣他人能知哉此所謂以道欲其 自得之也自得之則異端不能搖暴行不能動死生 來不窮運用不已此深造之學也夫如是則心即理 出入在此非師友所傳非口耳所及非見聞所到當 則又收萬以歸一又旋著以觀微又及終而要始往 即心內而一念外而萬事微而萬物皆會歸在此 . . 五子字

蚓陳仲而死成括則以其深造自得故議論可以超 理者價非深造自得深能進於此地乎惟孟子所學 天魚躍丁淵亦理也蕭蕭馬鳴悠悠施旌無一而非 沛造次理也仰觀俯察遠取近取理也以至為飛戾 也資之深則縱橫理也予奪理也動容周旋理也顛 億萬數千里之外無一毫與其言不合者此資之深 而常若太早既而利害皎然是非卓然於千載之後 此所以能禽獸楊墨妾婦儀秦夷許子而貉白主

新定匹庫全書 ·

孟子曰博學而詳說之将以及說約也 言其故盖名數則可以口講而指畫至於精微非 問人以心術之微盡散於禮樂射御書數中而不明 斯文姑留此學以惠後進耳可勝嘆哉 弊陋之習而開此旨蒙之流也奈何時不我與未與 不負戴於道路黎民不飢不寒不轉徒于溝壑以掃 拳拳欲植桑種田育雞豚畜狗飛使老者衣帛食肉 然出於當世之上乃於兵革擾攘權謀詭詐中而獨

一欽定四庫全書 微之本學而不到精微雖博物及於臺點實沈稽古 賣亂天下也然而使士大夫不學則已學則當造精 天文俯察地理河渠溝洫茫昧變惟無不探其源而 道則不可古之君子所以治詩書禮樂之術而仰觀 自得之不可也使上智之資由名數而造精微之本 道所以獨高千古而異端之學所以一得其志必能 而中下之流亦安於名数而為寡過之士此聖王之 至於萬數干言謂之博學詳說則可也謂之聖王之

纖悉畢具小大靡遺其博學詳說如此者蓋將以反 逐禽左鳴和鸞其數為至繁形聲意義億百千萬其 經禮三百曲禮三千鐘鼓管簫之制等莲琴瑟之聲 則分門户以括其遺事事辨其所由物物明其所用 九九皆約也其名數散為六藝其精微在吾一心夫 說約也何謂約即吾所謂精微者是也且以六藝觀 遊其流極其數而改其變大則為圖謀以者其象小 之禮中倫樂中節射中鵠御中規起書窮八法數研 孟子傳

金 反四 厚 全 書 精微為主而以博學詳說為所入之路耳夫然故一 學書學數則體其所以窮八法研九九者何其意以 藝之約既徹則六藝之用皆通以其用處發之于治 中的者何學射學御則體其所以中鵠中規矩者何 學哉意亦有所主也故學禮學樂則體其所以中倫 水則排准四驅龍蛇而見禹之心發之於朝廷則驅 荒唐何足以御天下之變哉然而豈徒為此誦數之 事為甚衆非博學以及其由詳說以徵其故則虚無

學詳說中指其約也若夫學為盤辟紀其壁鍋昇 其弓良桧其策則不能以相通者又何足以論反説 為仁之至義之盡指該為道路州巷之達者皆於博 拒被行而見孟子之心乃知聖王之學以精微為主 子糜不書就而見孔子之心發之於戰國則息邪說 君子之道而孔子以郊社稀當為治天下之道指時 而以博學詳說為所由之路耳是以予夏指西帰為 孟子傳

飛廉驅虎豹而見周公之心發之於春秋則暈去公

能服天下天下不心服而王者未之有也 孟子曰以善服人者未有能服人者也以善養人然後 善一也在乎用之如何耳用以服人小人也霸者之 在也學乎學乎其可不以約為主耶 王公劉文王武王者則以學到精微故無所在而不 見指事親為仁指從兄為義指好色好貨好勇為大 所為也用以養人君子也王者之所為也令燕修召

鱼皮匹库全書

約之道裁孟子指易牛為王者之心指藥裡為誠之

羊葛伯殺之不以祀曰無以供粢威也湯使毫衆往 乎葛伯於而不祀曰無以供犧姓也湯使人遺之牛 者意在用以服人豈非可鄙哉故齊桓未并叛者九 亦豈不善而假此以襲蔡大鬼示之禮伐原示之信 公之政豈曰不善而假此以伐山戎責楚不貢包茅 為之耕其仁辱如此文王雖雖在宫肅肅在廟而其 國晉文初死秦已伐鄭是雖區區以善服人誰肯服 晉文之善也而假此在一戰而霸耳是其所以為善 孟子傳

孝弟睦湖有學者鄉大夫又獻賢能之書于王王拜 其中以詩書禮樂教之以孝弟睦媚收之而命鄉論 推之于天下國家夏曰校商曰序周曰庠聚秀父子 化之行至江漢游女無思犯禮伐條婦人勉夫以正 征於司徒而又問師族師比長書其德行道藝書其 秀命司徒論秀升于司徒者不征於鄉升于學者不 而受之其不率教者則小胥大胥以告者老皆朝于 以善養人乃至於此三代聖王既以善自養其身又

孟子曰言無實不祥不祥之實蔽賢者當之 濟其姦若齊桓晉文者豈可同時語哉孟子之見如 所以心服之也與夫設心促迫急於得利假仁義以 以其規摹遠大為然有仁人慈父愛母之心此天下 以善養人之道也所以周家卜世三十卜年八百則 移之右又不變然後屏之遠方委曲周旋如此此皆 庠習射尚功習鄉尚盡以警之不變移之左又不變 此而欲合戰國之君宜乎其為迂闊也惜哉

尺配可磨 的 品

孟子傅

善走徒事唇陷而其言一無實迹者是所謂凶人也 不祥之人山人也何以知其為山人顛倒是非變亂 所從出者也使在朝廷則福及天下在一郡則福及一 若李林甫誤嚴挺之盧把陷陸贄是矣孟子親受藏 平時服日其言無實而無害君子心者已可知其為 白黑騰播若南箕緝織若貝錦管管其雜亂選選其 倉所毁如倉者宣非不祥人哉天生賢者仁義禮智 凶人至於為凶人之實者則又有在焉蔽賢者是也]

徐子曰仲尼亟稱於水曰水哉水哉何取於水也孟子 庸民舞地孽皆不祥物也人見之必無罵以厭之如 賢者為不祥宣非意出於此乎 伍正聖王所以清朝廷而福天下也然則孟子目殺 被生民豈非妖惟不祥之物乎夫狐狸夜號鴻泉晨 國亡家之兆盖見於此矣流放竄殛使與魑魅為 則禍患亦所不免況不祥之人而使在人主之側

孟子傳

郡在一邑則福及一邑而乃彼故欲敬之使不得福

金 如是是之取爾苟為無本七八月之間雨集溝會皆盈 日原泉混混不舍晝夜盈科而後進放乎四海有本者 遺幽顯皆徹內外一致則六經之言皆吾胸中所欲 涸也可立而待也故聲聞過情君子形之 定四庫全書 逆志而忘辭何所不可關百世而不慙敵天地而不 言者耳隨吾意之所在取以用之或斷章而取義或 余讀此一章乃知聖賢觀六經之道矣夫六經明天 下之理者也使吾自格物之學窮天下之理小大不

賴之本非爱敬事吾取以證天子之孝如臨深淵如 恥質思神而無疑侯聖人而不感如一人有慶兆民 履薄冰本非諸侯事吾取以證諸侯之孝或論雲漢 水哉而不明言其故未知聖人之意果出於何意如 之詩或點武成之書唯如是然後見其造理深遠去 也逝者如斯以言其迅速也必觀其瀾以言其廣大 取在我而六經之道通矣何以知之如仲尼言水哉 江漢以濯之以言其清明也滄浪之水以言其自取 孟于傅

其本則判孔子之意在本有何不可哉既指此意為 意在廣大則指此水為廣大也水哉水哉吾意欲論 也聖人之所在也意在清明則指此水為清明意在 進退去取亦安有不可者故吾意之所在理之所在 者遽為此答則為問聖深造天下之理者予奪抑 遽然斷之日有本者如是是之取爾未明格物之學 也惡知孔子所謂水哉之意不出於此數義而孟子 取則指此水為自取意在迅速則指此水為迅速

歃

定四庫全書

本矣故極言為本之説所以言源泉混混晝夜之不 舍盈科而乃進卒歸於四海也夫江之原自岷山河 齊家以治國以平天下而後已則以其知本之所自 知而充之以格物以知至以誠意以正心以修身以 流日月俱運晝夜不息在沱為沱在遭為遭在匿為 之原自崑崙淮之原自桐栢原者其本也探其所出 匯卒之東歸于海而後已亦猶君于格物之學自致 可以汎觴耳惟其本在於此故滔滔軋軋與天地同

大己日華台書

五子傳

識之其亂天下也公矣如羊枯於王行威時知其公 脏感流俗名聲暴起如黃九以豪禁自置使公即問 亂天下蒼生卒下拜於石勒如庾冰於殷浩威時乃 潦之水因七八月之雨而集本無根原也一時汪洋 小人口耳之學本非心得見聞之傳本非力行一 而充之故其極乃如是之大也江河之水如此至黃 王臣坐門可謂威矣未幾而隱惡彰聞向非符融 辨牛馬亦可悦矣然流未終日掃不見蹤跡亦猶 時

之舜明於庶物察於人倫由仁義行非行仁義也 孟子曰人之所以異於禽獸者幾布庶民去之君子存 CALD DE AL DES . 情者皆學無其本也是以君子取之如商寫蘇張事 此章言舜無私欲惟天理而已矣天理者仁義也仁 而為此說哉士大夫學問宜自知所擇矣 為干古罪人孟子力言有本者如是豈非為此數事 一時威名使人君尊禮如此而所學不正事業可鄙

以謂當東之高閣未幾卒有喪師之配以是聲聞過

禮 目 倫 為禽獸守天理則為人倫人心何所 智見於君臣父子兄弟夫婦朋 口鼻好惡嗜然一切無異其所以異者特有仁 旣 所 都亡天理 知人倫之所以 明 君子存天 則ルン 推焉者也庶民去天理而隨人欲所以 北 昭灼知如是而為人欲所以明庶 明庶 理而忘人欲 人倫夫人與禽獸 物 知禽獸之所以禽獸以此 所以造人倫之 友之間耳伯 不有人欲 歌相去幾何 有 至 禽

盆

芡

Ē

E אין טיישר קי ישיר פי ויי 為胥人倫之中正仁義皆得以知之使舜在此仁義 在彼是舜與仁義終不相合也其不相合則有物間 之矣有物間之則行仁義而非由仁義行也夫仁義 所固有也居此則謂之仁由此則謂之義今仁義 彼則是我墮人欲中矣墮人欲中所向皆暗安能 理也天理居則為仁由則為義運用在我庶物之 此者以由天理而行也舜即天理非舜之外復有 五子傅 <u>+</u>

之微知如是而為天理所以察人倫之大夫所以能

孟子傳卷十九 差而邪正如此之相遼也嗚呼其危哉 者其何術哉昌言以斷之曰以由仁義非行仁義故 明天理即是人倫君子所以慎其獨者則以毫釐之 也嗚呼一心之微安可不慎稍墮人欲即為禽獸一

墮禽獸君子存之以正人倫舜能明禽獸而察人倫

如舜明庶物而察人倫乎孟予所以言庶民去之以

大田温 江 江

得之坐以待旦 三王以施四事其有不合者仰而思之夜以繼日幸而 孟子曰禹惡方酒而好善言湯執中立賢無方文王視 欽定四庫全書管要卷三千一經部 民如傷望道而未之見武王不泄邇不忘遠周公思兼 余讀孟子書乃知其學無所不窺其書無所不讀而 孟子傳卷二十 張九成

文配 D man di dito

五子傳

有異焉其取禹陽文武皆人列一事夫聖人所長亦 標使者皆世之所不傳者而孟子獨昌言以標榜之 獨留意於六經之宗周孔之粹其引證取捨一以所 之後未見其比者今此該周公兼三王施四事則又 至如書之武城詩之雲漢天下學者誰曰不然孟子 論孔子之談詩魯人之獵較曾子之論有若子思之 自得於聖王者以決擇之如三聖之行宰我有若之 獨以所見可否之是其磅礴萬古批斷昔人孔子

論養氣乃有塞乎天地之論蓋精於此者神乎此此 論門人乃有有始有卒之論孟子自集義而入故其 各有所發之處唯識者知之如曾于自事親而入故 其論孝乃有四海而準之論于夏自洒掃而入故其 之夫禹湯文武之所以為聖人者各有所入之路亦 孟子傳

衆矣何獨此一事為可取哉又周公之心何從而知

意於六經之宗周孔之粹旨者以是也請得以極言

之此余所以知其學無所不窺書無所不讀而獨留

金 **灾四庫全書** 其縱乃於此而見焉是不偏於操也文王視民如傷 緩乃於此而見焉是不偏於急也武王不泄適宜疎 宜急於救天下也然三分天下有其二以服事商其 球得所以此入少以此出入之者精出之則神禹惡 馬是不偏於惡也湯執中宜一於操也然旁求俊彦 肯酒宜重於惡也然聞善言則拜其好乃于此而見 縱得所文王之入處在緩急得所武王之入處在親 自然之理也禹之入處在好惡得所湯之入處在操

善言也旁求俊彦是所謂立賢無方也三分天下有 其視民如傷文王之心亦已切矣而紂毒痛四海害 與友邦冢君同一訓誓是所謂不忘遠也夫三分天 其二以服事商是所謂望道而未之見也微盧彭濮 於此而見焉是不偏於疎也聞善言則拜是所謂好 虐蒸民文王黨遂其無傷之心則不待武王之時而 下有其二以服事商何以知其為望道而未之見乎 孟子冉

於遠也然微盧彭濮與有邦家君同一訓誓其親又

悔過即所謂道也是文王之心雖急於我民而其心! 宣拘拘學禹之惡旨酒而好善言湯之執中而立賢 處故周公之思并合三王發處而施之夫其施之也 緩於責君者可見矣惟此四聖人者其聖各有發見 待君故日夜望紂之悔過而未敢見紂之惡焉紂盧 故雖有如傷之心雖見道在可取然以義斷命以仁 無方文王之視民如傷而望道未之見武王不泄通 伐之也惟其心日待紂之悔過將率天下而事之

· 一章 全書 ○

足日華 全書 得之坐以待旦此之謂也夫周公之心豈有不合於 而不忘遠哉大意思其好惡操縱緩急親疎得所處 思之精則得之深得之深則行之速夜以繼日幸而 為縱而急乃為緩疎乃為親也仰而思之其思愈上 而施之於天下耳此意惟踐履深者乃見之非余口 也以事而求則有合否以理而求則惡乃為好操乃 矣事之過乎前者干端萬緒形迹不同而其理則一 舌所能辨也夫思三王則周公之心入於三王之心 孟子傳

禹又異矣以事觀之豈非不合乎然周公酒制以供 君室使成王考翼之言而周公不聽斷然征之則與 而周公征三監邦君御事有民不静亦惟在王宫邦 齊必得大首監之無有差成則與禹異矣禹好善言 惡肯酒而周公為酒之法曰麴藥必香陶器必良人 也周公方心事觀則見其不合及以理觀則見其得 之淵微深則殆難形容且以一事論之他可類及禹 三王者哉余所謂事有不合而理則一者正以明此 欽定四車全書 孔于曰其義則丘竊取之矣 楚之檮杌魯之春秋一也其事則齊桓晉文其文則史 孟子曰王者之迹熄而詩亡詩亡然後春秋作晉之乘 而出之 者此也此又周公當日之心孟子所見之與余故表 故余曰以事而求每見其不合以理而觀見其得之 於安王室豈敢後時亦禹三過其門而不入之理也 五

祭祀賓客豈敢不虔亦禹致孝思神之理也周公急

齊欲用之沮於晏子楚欲用之沮於子西魯欲用之 國風天下無復有雅矣無復有雅雖國風具存王者 余曾以詩放之諸侯曰風天子曰雅自平王降而為 以啓天下後世觀晉之乘楚之檮机魯之春秋雖立 沮於女樂天意如此其如之何孔子思欲見之行事 既墜續王道於已絕歷聘天下天喪斯文時不我與 之迹不復見矣謂之詩亡可也孔子以謂詩亡則是 王道絕也嗚呼王道豈可一日絕哉将以扶王道于

意不同然皆記事之史也其事則齊桓晉文其文則 實錄之書耳聖人慨然有作乃以造化之神巧妙之 用一寓於春秋凡聖心之所筆者王道自此而見也 事之史而已哉故曰其義則丘竊取之矣是義也乃 道豈止聚貶而已矣其抑楊進退予奪縱拾若乾坤 聖心之所存而二帝三王之道也夫春秋将以明王 聖人之所削者王道自此而用也如暈去族麇書卒 術日奔定公無正之類大義炳然王道者矣豈記 孟子等

得為孔子徒也予私淑諸人也 孟于曰君子之澤五世而斬小人之澤五世而斬予未 春秋而曰吾盡人倫之道焉吾弗信也 續王者之迹於詩亡者春秋也其義深矣豈口舌所 能盡哉惟深格物之學者乃可以觀春秋惟明春秋 兼夷狄驅猛獸同功欲知王道者當觀春秋之用是 之運六子滄海之轉百川與禹排淮四決汝漢周公 後可以明王道惟明王道然後盡臣子之職不明

欽

定四庫全書

其羊者道不拾遺者客至如歸者故曰予未得為孔 斥体儒兵來人殺正卯使有點其淫婦者不敢朝飲 千之徒盡服其教小又未能成中都之化大又未能! 横流孟子自傷學雖不已聖未及智下則未能使三 方孟子時雖去孔子未遂君子之澤固未泯絕然當 惡之積其流甚遠故君子小人之澤至五世而乃己 鞍鵯忌陳幹蘇秦張儀稷下之熾小人之澤正爾

易曰積善之家必有餘慶積不善之家必有餘殃善

飲定四庫全書 · 主方且擁等先驅祭館上舍坐輜車以謀議列康莊 章之徒而已然而陳臻非之屋廬子問之淳于見侮 尚在而東夷之性未盡淪胥聊為之論養氣知言之 予私淑諸人也嗚呼小人之澤害人如此而時君世 說盡心知性之說尊王點霸之說以大其所知故曰 深孟子力未及孔子未能遠革其心也賴孔子之澤 之公孫丑至比管晏過孟貢此皆小人之澤薰染之 子徒也徒以學於聖人者私善于門弟子公孫五萬

傷惠可以死可以無死死傷勇 孟子曰可以取可以無取取傷廉可以與可以無與與 聲玉振之條理乃聖外之智至外之中力外之巧宣 詳審諦處可以之義謂祭詳審諦也取而祭詳審諦 此一章小充之則止於康惠勇而已大充之則為金 可輕心淺應讀之哉夫道不在決去不回處乃在恭 五子傳

之議其欲信孟子盡如孔子之徒也難矣可勝傷哉

以尊大之當是時也出則為名寵之誘入則聞押闔

ALL TO LOCAL DELLO 1

與可以久則久同一然也充可以死可以無死而上 牙口 尼台 雪 之豈止於不傷勇而已哉與可以速則速同一發也 也充可以與可以無與而上之豈止不傷惠而已哉 而上之豈止不傷康而已哉與可以仕則仕同一然 天下之理求其所謂可而已矣誠識其所謂可則 子之聖也記曰當其可之謂時孔子聖人時亦當 詳審諦則不至於傷勇嗚呼充可以取可以無取 不至於傷廉與而恭詳審諦則不至於傷惠死而

欴 定四軍全書一 同 危 且就孟子時言之商鞅變法令以取秦相賜忌挾領 此六可以止以康惠勇觀之而不知與孔子聖之時 其可而已矣故學者觀里賢當識其意勿泥其解如 六國之君不改其人之賢否不問其學之邪正以國 六國相 取齊卿此皆不問可否一於取而傷廉也秦齊楚 一幾柄豈足以知聖賢之所存哉故余表而出之 取齊相陳彰以辯説而取楚使蘇秦以押闔而 ÉP 張儀以恐惕而取泰相稷下諸人以口 孟子傅

子云爾惡得無罪鄭人使子濯孺子侵衛衛使庾公之 界孟子曰是亦界有罪焉公明儀曰宜若無罪焉曰簿 逢蒙學射於界盡罪之道思天下惟界為愈已於是殺 斯追之子濯孺子曰今日我疾作不可以執弓吾死矣 聖人之道於此而北矣惜哉 刺俠累荆軻刺泰王徑行直前不顧義理此一於死 而傷勇者也使其即六可以之說而恭詳審諦之則

家名器輕予此輩此一於與而傷患者也其後聶政

矣其僕曰庾公之斯衛之善射者也夫子曰吾生何謂 夫尹公之他端人也其取友心端矣庾公之斯至曰夫 扣輪去其金發乘矢而後反 射於尹公之他尹公之他學射于夫子我不忍以夫子 之道反害夫于雖然今日之事君事也我不敢廢抽矢 曰庾公之斯學財於尹公之他尹公之他學財於 問其僕曰追我者誰也其僕曰庾公之斯也曰吾生 何為不執弓曰今日我疾作不可以執弓曰小人學

孟子傳

車裂而死見錯以術數教景帝景帝之報也亦以術 數至斬於東市及覆斯理則逢蒙殺昇庾公不忍害 孺子正禍福無不自己求之實也孟子深識此理昌 作言戚亦曰自治非深知禍福之故者豈能立論昭 哉古人言福則曰自求言哲則曰自貽言孽則曰自 獨斯濯足其誰谷乎內腐出蟲魚枯生盡宣自外來 余讀此章鳴呼禍福無不自己求也久矣清斯濯繆 如此哉商鞅以刻薄事秦秦之報也亦以刻薄至 图 图 明日

他端人也夫惟界之薄故其所以教達家也亦以薄 薄之甚則有至於自害其身惟孺子之厚故其所以 And to send the state of the 教尹公也亦以厚厚之遠及至尹公弟子不肯以君 命之故反道以害其師然則誠如此說君子之學其 張弼之所存矣至吕布事丁原則殺丁原事董卓則 既貴不敢忘張獨以陳平大亮之心亦可以知無知 可不慎其所處乎陳平旣封不敢忘魏無知李大亮 孟子傅

言以斷逢家日簿乎云爾其述孺子之言曰尹公之

讀行章之詩使人為然有三春之樂泰有天下至二 于印書曰吾始與公于雖今俱為其國将不忍相攻 世而滅亡刻簿之效乃如此夫商鞅伐魏遣魏将公 則以此知忠厚之化果周家所以無八百年之基矣 殺董卓劉牢之事王恭則殺王恭事元顯則殺元顯 以為然乃伏甲士而屬之其刻薄如此此風既成秦 可與公子面相見盟樂飲而罷兵以安秦魏公子印 以吕布年之之心亦可以知丁王董馬之所存矣然

万田屋有里」

老二十

卒四十萬趙高刻薄使二世殺六親李斯刻薄使二 之所為無非刻薄張儀刻薄誤楚懷王白起刻薄坑 卒陷蕭傅宗之問投王竣以保其生而卒陷王竣蕭 世行督責至望夷之禍筑然獨處無一人為助者言 可自放乎人固未易知知人亦未易蕭王雖非薄惡 王何罪哉蕭王固賢者也然不知人之罪蕭王亦安 亦可以為有天下者之戒矣然鄭朋游蕭傅之門而 之使人酸楚則刻簿之報果如何哉逢家庾公之説

鱼 定 四 庫 全 書 傳豈太史公自悼無晏子之知乎不然何為而稱美 也夫石父薄惡人也使其此說行則忘恩者皆将以 而信於知己世皆傳以為美談太史公首紀於晏子 有不可不辨者昔越石父在線她中晏子解左縣贖 問肯事两張其神情態度亦可知矣而使之出入門 而不知人之戒亦可恥矣夫如鄭朋肯附石顧客之 之載歸弗謝入閨石父乃求絕曰君子訊於不知己 下與同急難豈非其失乎兹又不可不審天下事固

歌定四車全書 一 亦亦矣石父乃以弗謝之小禮而忘脫免之大思夫 此而籍口且脱石父於縁經恩亦大矣入閨弗謝事 道矣吾衛立身行己當求忠厚之說以上報君親與 人於尼而又索謝何其責人之深也遽欲求絕義安 在哉雖石父當時謂之賢者以此一事觀之皆不足 其所謂謝者石父當謝晏子乎晏子當謝石父子免 所知母惠石父之言以為忘恩賊義之人與逢家同 科也此又孟子之遺意

戒沐浴則可以祀上帝 孟子曰西子蒙不察則人皆掩鼻而過之雖有惡人齊 此可見矣夫仁義何常之有蹈之則為君子背之則 孟子曾曰中也養不中才也養不才是孟子之心於 之心仁厚之意豈易量哉其所以傳曾子之道者於 不中不才者尤如意馬今有西子惡人之論其忠恕

為小人使平居為君子一旦背仁義則前功盡廢其

為小人也無疑如西于天資美麗乃蒙不潔之物誰

灾足日車全書 帝王之道使天下父子相保兄弟相扶室家相好鄉 都很其為君子也無疑如惡人天資配陋而齊戒沐 徒義革心改過盡奪其不潔之學而齊戒沐浴於吾 君子皆羞道而喜改之今既若是矣使其一旦選善 谷則可以事上帝之尊孟子此意以謂商鞅孫贖駒 而家權謀說許縱横押閩卓異荒脏不潔之學有道 忌陳彰張儀稷下諸人資票英邁如西子之美麗也 五于停

不掩鼻而過之哉平居為小人一旦蹈仁義則前惡

呼人不自重久矣公孫弘學春秋樊並明尚書戴勝 精禮經馬融通五經是猶西子之資禀也而乃蒙阿 諛盗賊不法依附不潔之物為干古罪人可勝惜哉 碩之心哉此其所以為大也以善養人理當如此鳴 乃欲侯商孫諸人改行而齊戒沐浴也豈有念疾於 是循惡人配阿以事上帝也嗚呼孟子忠恕仁厚 樂則可與皇變稷尹比肩交臂同揖遜堯舜之前矣 間族黨親戚朋友相往來酒體牛羊雞豚黍稷相晏 一次至日華 全 孟子曰天下之言性也則故而已矣故者以利為本所 失蒙不潔也一念反正齊戒沐浴也臭至掩鼻馨聞 或器量干項名垂簡編芳襲古今齊戒沐浴以事上 屠狗陳俊為下江之盗黃憲乃牛監之于是猶惡人 上天利害賢否宜知所釋矣五子之論其深哉 帝復何疑哉嗚呼士君子處心其可不慎乎一念之 之資專也然或忠冠社稷或氣奪鴻門或功列雲臺

人能改過卒歸於君子也亦已久矣周勃吹蕭樊噲

之日至可坐而致也 事則智亦大矣天之高也星辰之遠也尚求其故千歲 智矣馬之行水也行其所無事也如智者亦行其所無 惡於智者為其鑿也如智者若禹之行水也則無惡於 諸于邪論之失固曾以水無有不下以校性無有不 善矣如孟子之言性非一人之私言也乃天下之公 孟子曾立性善之論上合干古聖人不言之心下掃 言也以為此言可以關百聖而不輕敵天地而不恥

2 根是其所利在很也人之性其實善以其所利在善 且夫牛之性其實順是其所利在順也羊之性其實 荒唐無稽而言也乃據其實而言也故曰則故而已 質思神而無疑考三王而不繆者也夫天下之言性 也何以知其實為善乎赤子匍匐入井則休惕惻隱 之心忽然而見焉豈非其實在善乎先王因此謹庠 矣所謂故者實也何以驗其實以其所利處為實也 何為其論超絕如此哉則以其論非出於私意小智 孟子傳

孫臏賜忌陳彰蘇張稷下諸人乃為權謀詭詐縱橫 其法令民心愈失一夫呼召天下響應而社稷不 善償以私智泪亂之則人將失其常性而傷如在瀾 聖賢下者為孝友則以其實利於為善也夫其利在 序教詩書文禮樂誦歌弦舞以發樂開導之高者為 不可復過矣世之士不知出此而於其實之外鑿私 以亂之天下沸騰奔涌横出旁題乃嚴以形威峻 無他以不順其故而鑿私智以亂之也如商鞅

四周白雪

事者因其注下之性未曾立一事以汨亂之也使治 鑿私智之明驗也如智者若禹之行水則無惡於智 鑿龍門通九川無非因其性之趨下而利尊之八年 矣禹之智何如哉知水無有不下是水之性其實利 太天下覆滅諸侯民心已去陳勝一起秦其亡矣此 桿闔阜異荒唐之智以擾亂之泰守商君之說雖并 于外雖若多事其論成功特行其所無事爾所謂無 於為下也吾不立一毫私智決汝漢排准四篇濟果

步之雖一星翁瞽史上推干歲如所謂甲子朔旦在 至壁九十八度自奎至参八十度自井至軫百一十 四分度之一天之實也如自角至箕七十五度自斗 叠自趨於治矣以此為智宣非智之大者乎且夫天 定四庫全書 二度五星伏見皆有常數此星辰之實也求其實而 之高星辰之遠宜若不可測識矣然三百六十五度 天下者亦如禹之治水行其所無事因民超善之性 開尊之則善致順笑之際垂衣拱手之間天下叠

歃

有就右師之位而與右師言者孟子不與右師言右師 公行子有子之喪右師在吊入門有進而與右師言者 定四車全書 妙乎特識天與星辰之性因其故實而推之耳以是 琴瑟清廟明堂辟雕太學者豈好為是多事哉順民 神益與宏深宣淺智所能測哉 之性不得不爾也語至於此乃知乾坤之造變化之 知里王之道無非天下之性耳其為簠簋祖豆管弦 孟子傳


冬日之至者分毫不差宣星翁瞽史之智能如此其


孟子聞之曰禮朝廷不歷位而相與言不喻陷而相揖 也我欲行禮子敖以我為簡不亦異乎 不悦曰諸君子皆與離言孟子獨不與難言是簡雖也 守趨矣媚竈奴顏婢膝態度如此則王職氣餘薰灼 爾竊讀豫卦而知孟子之所守矣豫之六二曰介于 亦可見矣孟子獨不與之言者非忽之也理當如是 之言者有就其位而與之言者一時士大夫無所操 王職齊之龍臣此何等輩吊公行子時乃有進而與

元 NO BEE & AS 想見聖人之所存矣王離小人何足以識孟子夫孟 糞壤中乃有芝菌於喧歌中乃見鸞鳳其孟子吊公 前不顧義理不守名分而超媚如此上下一心無有 居中守正介焉如石以此處心則其獲吉寧用終日 行子時那一時氣象優然如此道心德量如天如帝 乎夫齊國士大夫以一國之龍盡在王驩乃於衆人 知耶者諸子之來為吊公行子來耶為王雖來耶於

石不終日貞吉夫時當院豫眾皆趨動而六二君子

見之录曰是方為國妖祥安可見也录布衣也而所 容如此余於此非獨見孟子之心而待小人之法亦 者皆聽之所喜也孟子以禮待之而乃獨以為簡宣 簡雕之怨夫不歷位而相與言不喻陷而相揖此朝 子獨不與之言亦可以自省矣不知發樂之功乃有 于是而三省矣昔王叔文當權其門如市或勸張录 不顛沛乎然而孟子聞其簡雕之言而引禮為說雅 廷禮也孟子以為禮王雖以為簡是凡以非禮見雖





たナアニオル

松官庶古士臣

能

鹏

陳

墉

吳 魯

生臣

欽定四庫全書曾要 無子傳卷二十二五



詳校官主事街臣徐以坤

者人恒敬之有人於此其待我以横逆則君子必自及也 我必不仁也必無禮也此物奚宜至哉其自及而仁矣自 反而有禮矣其横逆由是也君子必自及也我必不忠自 **欽定四庫全書養要卷三千二經部** 孟子傅卷二十一 歷存心仁者愛人有禮者敬人愛人者人恒愛之敬人 白君子所以異於人者以其存心也君子以仁存心! 孟子傳 張九成

之憂無一朝之患也乃若所憂則有之舜人也我亦人也 非仁無為也非禮無行也如有一朝之患則君子不患矣 舜為法於天下可傳於後世我由未免為鄉人也是則 則與禽獸奚擇哉於禽獸又何難馬是故君子有終身 反而忠矣其横逆由是也君子曰此亦妄人也已矣如此 可憂也憂之如何如舜而已矣若夫君子所患則亡矣 此夫其所以無一朝之患者行其所謂恕也其所以 此一章乃孟子傳曾子忠恕之學其施之作用者如

定匹庫全書

巻二十一

妄蓋裕如也深觀其心可謂知所緩急矣其於人之 其極欲效舜為法於天下以此而觀則孟子處陳臻 有終身之憂者行其所謂忠也行其所謂恕故不罪 横逆付之無事而不以介意超然求仁禮忠之極而 妄人而不責焉行其所謂忠故非仁無為非禮無行 公孫丑以比管晏過孟賣尹士幾不明干禄濡滯之 之非屋廬之間季孫之異子叔之疑淳于髡之侮慢 人之横逆而自及己之不仁無禮不忠其極待之以

ALL OF THE CO. THE

孟子傳

學所以造聖王之間域者自事親之道而入也其所 而天下化聲艘底豫而天下之父子者定是孟子之 以得事親之道者以其學出於曾子曾子之論孝曰 不可以為子舜盡事親之道而瞽瞍底豫瞽瞍底豫 昌言號于天下曰不得乎親不可以為人不順乎親 樂馬至於平生所汲汲者以謂舜自匹夫為法於天 下而我墮于流俗為無所聞知之人惟其操不如舜 之心早夜孜孜求其所以為舜者乃得于事親之問

東海而準推而放諸南海而準推而放諸西海而準 自事親而入惟孟子自事親而入所以見舜之用心 推而放諸北海而準惟曾于自事親而入故孟子亦 五十而慕者予於大舜見之矣又曰舜之居深山之 載顏子之語曰舜何人也予何人也有為者亦若是 惟見舜之用心所以奉奉以舜為説而不已也且其 夫孝置之則植乎天地再之則横乎四海推而放諸 又曰舜其至孝矣五十而慕又曰大孝終身慕父母

灾 至 日 年 年 書

孟子傅

幾希及其聞一善言見一善行若決江河市然莫之 者止於徐行之間上聖王之用心非其深得舜之道 其後乃指徐行為堯舜之道使天下後世好學聖王 帝無非取於人者取諸人以為善是與人為善者也 馬善與人同樂取諸人以為善自耕稼陶漁以至為 于也被於衣鼓琴二女果若固有之又曰大舜有大 能樂又曰舜之飯糗茹草也若將終身焉及其為天 中與木石居與鹿豕遊其所以異於深山之野人者 有婉容之心推善則稱親過則稱己之心於天下所 為法於天下可傳於後世我猶未免為鄉人也是則 之實在乎事親時是也義之實在乎從兄時是也知 可爱也其平居所存築可知矣若夫軒然立論曰仁 親處得之推事親下氣怕色之心推有深爱有和氣 知斯二者禮節文斯二者樂樂斯二者及覆放之其 所得於聖王之道為仁為義為知為禮為樂皆自事

其何能如此哉今此一章盡見其心至為之說曰舜

禹稷當平世三過其門而不入孔子賢之顏子當亂世 居於陋巷一箪食一瓢飲人不堪其憂顏子不改其樂 而已矣其盛矣哉 求仁自反而求禮自反而求忠嗚呼孟子能用曾子 以待人以恕而不責横逆之侵責己以忠而自反而 日出海然冰釋者其於斯而見之矣顏子之後一人 之道見於待人處己之問顯揚忠恕之說使人曉然

孔子賢之孟子曰禹稷顏回同道禹思天下有溺者由

髮纓冠而救之可也鄉都有關者被髮纓冠而往救之 則感也雖閉戶可也 禹稷顏子易地則皆然今有同室之人鬪者救之雖被 禹稷顔回同道伯夷聖之清伊尹聖之任柳下惠聖 再稷勤勞顏子優逸勤勞優逸燒然不同孟子乃曰 知孟子於何地見禹稷顏子之同又於何地見伯夷 之和孔子聖之時皆古聖人也孟子乃曰不同道不 孟子婷

| 商之稷思天下有飢者由已飢之是以如是其急也

乎干古之上者為一等乎此蓋有說也其說安在曰 地則皆然又何以窮居獨處之人遽與功業威大卓 猶已獨之稷思天下之飢者由己飢之禹稷顏子易 尊孔子而卑數子乎至論禹稷曰禹思天下之弱者 若是班子曰否自有生民以來未有孔子也是何獨 里之地而君之皆能以朝諸侯有天下行一不義殺 伊尹下惠孔子之不同又論伯夷伊尹孔子曰得百 一不辜而得天下皆不為也又論伯夷伊尹於孔子

四庫在書

在講學中庸曰明則誠矣誠則明矣惟天下之至誠 誠有致曲之誠天下之至誠誠之極者也是以可與 變則化惟天下至誠為能化夫誠一也有天下之至 可以賛天地之化育則可與天地参矣又曰其次致 則能盡物之性能盡物之性則可以賛天地之化育 為能盡其性能盡其性則能盡人之性能盡人之性 天地參禹稷顏回之學天下之至誠是以禹稷在廟 曲曲能有誠誠則形形則者著則明明則動動則變

下之至誠則一而已故曰馬稷顔回同道又曰禹稷 誠也伯夷伊尹下惠止於致曲之誠而不進者也故 變則化惟天下之至誠為能化是也孔子天下之至 焉其事云何誠則形形則者者則明明則動動則變 顏子易地則皆然致曲之誠誠之始也其上又有事 顏子顏子乃陋巷之禹稷在憂則憂在樂則樂論天 堂以誠而憂顏子在陋巷以誠而樂禹稷乃廟堂之 伯夷誠於清而不進伊尹誠於任而不進下惠誠於

一金定四庫全書

則異乎孟子曰可以仕則仕可以止則止可以久則 優有綠衣輔散之尊荷鈕東未有主璋壁玉之嚴單 久可以速則速所以伯夷下惠伊尹與孔子不同道 又有中中之外又有巧此天下之至誠也是以孔子 和而不進孔子進進不已故聖之外又有智智之外 下之至誠窮而陋巷何以參天地乎豈不以敢衣敢 止於致曲之誠而不進於天下之至誠乎誠能盡天 而自生民以來未有孔子也然則君子之講學記可 五子傳

誠則可以參天地能參天地則達為禹稷窮為顏子 不誠方其窮也如鄉鄰之關閉戶而不救非無濟物 難也以誠當如是也禹稷以之同室而不敢則謂之 方其達也如同室之關被髮纓冠而救之非赴人急 機飲食寢處有經綸造化之大參天地者盖在於此 門主衛有魚陸岩廟之城妻子奴婢有賓客選倫之 之心也以誠當如是也顏子以之鄉鄰而往救則謂 之不誠故學士大夫當學天下之至誠學天下之至

養二不孝也好貨財私妻子不顧父母之養三不孝也 支不顧父母之養一不孝也博要好飲酒不顧父母之 禮貌之敢問何也孟于曰世俗所謂不孝者五情其四 公都子曰匡章通國皆稱不孝焉夫子與之游又從而 致疑嗚呼何其巍巍如此也威哉 論三星人與夫禹稷顏子同與不同昌言判斷不復 如何耳孟子學天下之至誠得之於子思者也故其

在禹稷而不驚處顏子而不羨各誠其誠惟其所遭

者是則章子已矣 妻屏子終身不養焉其設心以為不若是是則罪之大 相遇也責善朋友之道也父子責善賊恩之大者夫章 從耳目之欲以為父母戮四不孝也好勇關很以危父 于宣不欲有夫妻子母之屬哉為得罪於父不得近出 母五不孝也章子有一於是乎夫章子子父責善而不 異荒唐中猶北斗在天泰華在地其抑揚予奪進退 孟子高見遠識卓然在戰國權謀詭詐縱横押閩卓 灰田屋有事 R ALD TOTAL LI BLID 其為賢人君子何其好惡與人異趣哉夫聖賢之取 國稱不孝如匡章者而乃稱道禮貌使天下聽然知 仲以其能霸也事許行以其異衆也白圭二十取一 人也取其存心而衆人之取人也拾其遺跡彼尊管 不得齒於士大夫之列而弟子倍其學如陳良者通 婦儀行皆當時尊敬慕羨者孟子一皆極口試之使

夫早管仲而狄許行貉白圭而蚓仲予禽獸楊墨妾

可否迥出常情之外非深造聖王之道能如是哉觀

中國人倫之大仲子之心或於小道而不知避兄離 從其學則其為害當至於贏秦之酷而後己所以深 母之惡楊墨之心推而至於無君父儀行之心推而 偽許行之心欲以惠衆白主之心在於取名而不知 宗尚儀泰一時以為丈夫孟子觀管仲之心本於作 欲輕賦也仲子築室織屢欲求名也楊墨當世之所 攻而力訴之絕其本根不使滋長為天下萬世慮也 至於逢君惡孟子獨知其心而天下不知也使人人

陳良之心悦周公仲尼之道匡章之心有負罪引悉 易于而教而孔門有過庭之問其意可見也匡章以 之孝此其所以稱道之禮貌之使天下曉然知其為 子之列論其志則爱子也論其事則賊恩也古者有 學業出衆也然而材有長短當循序而徐進之乃以 於里道也大矣夫匡章之父以責善為心欲其子之 豪傑為孝子以破風俗卑鄙之見疑似之迹其有功 路急之心求旦慕之效至於點,屏臣章而不得在人

使天下無為善之路聖賢宣肯為此事乎所以特犯 飯之心豈可以為不孝子乎夫其心如此而小人好 罪引應變變齊標文王一飯亦一飯文王再飯亦再 受妻子之養至於點妻屏子其設心如是有大舜負 得罪於父不得小盡孝養之心亦欲深自刻責不敢 於名教大矣哉 衆惡接以禮儀際以颜色以洗一國之淺陋其有功 為議議樂聞人之過而不一原其心處以不孝目人 巻二十二

欽定四庫全書

一曾子居武城有越寇或曰寇至盍去諸曰無寫人於我 民望寇退則及殆於不可沈猶行曰是非汝所知也昔 室毀傷其新本寇退則日修我牆屋我將反寇退曾子 守孟子曰曾子子思同道曾子師也父兄也子思臣也 於衛有齊急或曰兔至盡去諸子思曰如伋去君誰與 沈猶有負為之禍從先生者七十人未有與焉予思居 微也曾子子思易地則皆然 反左右曰待先生如此其忠且敬也惡至則先去以為

其職馬為臣之法當如是也要兩人之心皆所謂天 說蓋曾子之學也孟子識兩人之所存故昌言以斷 道於予思予思授道於孟子予思中庸極言至誠之 下之至誠也或去或不去各歸於誠而已矣曾子授 反為師之法當如是也于思聞寇至則守蓋將死於 臣之法則死于其職而已曾子聞寇至則去寇退則 師有師之法臣有臣之法為師之法則去留自如為 定匹庫全書 | 之曰曾子子思同道又斷之曰曾子師也父兄也子

金

論之而不疑前論禹稷顏子今論曾子子思曰同道 下之至誠故見二人之存心而同道皆然之語軒然 曰皆然則以誠有所見也自世俗觀之禹稷在廟堂 憂勞顏子誠在獨樂曾子誠在避寇子思誠在樂寇 之何其一視之謂之同道謂之皆然也惟禹稷誠在 聞鬼至則守其憂樂去留之迹遼乎若霄壞之分如 而多憂顏子在陋巷而獨樂曾子聞鬼至則去子思

思臣也微也曾于于思易地則皆然惟孟子深造天

於人哉堯舜與人同耳 一個子曰王使人順夫子果有異於人乎孟子曰何以異 鱼定四库全書 | 其異禀而非凡人俗士也故使人間之其使者往往 見孟子之學孟子之見孟子之識迎與當時不同疑 余讀此書乃知齊王之尊敬孟子至於如此也齊王 說然後可以仰觀千古俯視來今或出或處或點或 語皆歸於誠而已矣不如是不得為善學 易其守則為不誠聖賢豈敢為不誠事哉明乎此

角聖賢之生必受五行之問氣天地之全形山嶽之 契履帝武而生稷高帝隆準而龍顏光武隆準而日 果有異於人黃帝生而神靈高辛自言其名帝堯就 若唐舉許負之流以相形為說者也夫聖賢之生也 之如日望之如雲大馬聲為律身為度感玄鳥而生 欲人之自勉也償恃區區之形貌而其心放於不仁 不智之地則生而有髭者不能與周室之祚尊嚴若 粹江河之潤澤豈與凡人同哉然而聖王不該者

舒定四庫全書 | 齊聖廣淵者湯徽柔懿恭者文王温良恭儉者孔子 鼻四肢百體堯舜亦與人同耳弟堯舜之心用處與 聖賢德容亦豈可掩哉誠諸中形諸外此自然之理 不可一緊取也至於欽明文思者堯濬哲文明者舜 凡俗不同所以其道獨尊於干古也然而人之形固 流者乃曰相形不如論心宣非出於此乎夫耳目口 官貌狀甚惡者乃為孔門高弟故昔之概然惡為此 神者不能去淫妬之惑而面如削瓜者乃為舜之九

翟黃熟可此功之所以不及五伯也以私愛妨公奉 方敬段干水此名之所以過桓公也上相則曰魏成 言而知其為王莽為肩豺目洞精臟貯不言而知其 不及於五伯何也白圭對曰魏文侯師予夏友田子 惟也昔孟曾問於白圭曰魏文侯名過於桓公而功 為深其宣有聖賢德容而如此者于齊王於孟子如 此徒知尊敬之而已而不能斷然用以為相此亦可 duto (

也學士大夫又不可不放如為目虎吻露眼亦晴


而未曾有顯者來吾將嗣良人之所之也蚤起施從良 良人出則必養酒肉而後反問其與飲食者盡富貴也 齊人有一妻一妾而處室者其良人出則少屬酒肉而 反其妻門所與飲食者則盡富貴也其妻告其妾曰 在職者不堪其事故功廢然而名號顯荣者三士翊 亦猶文侯之於子夏諸人也所任者田忌孫臏王雕 之徒而其加意於孟子者止如此而已耳可勝歎哉 之也如相三士則王功成宣特霸哉齊宣之於孟子

妻妾不羞也而不相泣者幾希矣 騎其妻妾由君子觀之則人之所以求富貴利達者其 告其妾曰良人者所仰望而終身也今若此與其妾訓 乞其餘不足又顧而之他此其為餍足之道也其妻歸 其良人而相泣於中庭而良人未之知也施施從外來 鞍 為 孫贖陳彰蘇秦張儀稷下諸人言也彼是數 余觀此一段其意與妾婦儀行同科乃知此說為商

人之所之編國中無與立談者卒之東郭墙間之祭者

墙間騎其妻妾者乎夫君于所見與小人所見不同! 然而靜觀其心不知禮義不聞產恥揣摩人君所欲 君子所見者道義小人所見者勢利所見者道義故 迎合主翁之心以求飽援計曾不少異是何異乞祭 宛轉而附合之意在一朝之利達而已與家入婢子 衛其騎稱當世氣凌青雲者以謂富貴我所自致也 國使或握六國相印或執兩國相權或築館康莊之 于者或後車數十或三月而相或坐謀輜車或為兩

天下弗顧也繁馬干腳弗視也曾何富貴之足道子 道合則從不合則去非其義也非其道也雖禄之以 古得富貴如齊人之乞祭者亦多矣夫妻妾婦女羞 氣揚揚蔑視當世之士為不已如可勝痛哉泛觀干 略無所守勢利所在性命所在也如此得志尚且意 吾進縱橫之說其不問理義去就在人而俯仰高下 倍贏之說君好闢土地吾進并吞之說君好連諸侯 所見者勢利則君好兵吾進奇正之說君好利吾進 孟子傅



金定匹庫全書

表二十